



Seraida Pemberton-Leonard a bira lider nobo di partido UPP

Posted on 05/5/2021 8:56 pm AST | Updated on 05/5/2021 9:03 pm AST

CURA CABAY – Faltando dos dia pa entrega di lista politico pa eleccion Parlamentario di Aruba, sr Booshi Wever a pasa e batuta di liderazgo di partido Union Patriotico Progresista pa sra Seraida Pemberton-Leonard. Sra Pemberton ta actual directora di Stichting Reclassering, y a bisa awe noch cu semper e la kere den UPP pasobra e partido no a cambia di su principionan. E ta orguyoso di ta un lider femenino pa San Nicolas, y lo bringa pa e distrito aki y tur otro distrito di Aruba. Fuera di sra Pemberton, a presenta varios candidato di e partido. Notable tabata entre otro ex miembro di MEP Karel Maduro y ex miembro di partido RED, Nuris Lampe. Booshi Wever a splica den su discurso di despedida cu e ta hopi orguyoso di e lider nobo pero ta keda si como un candidato riba e partido. E numeracion ainda no ta conoci y a priminti cu pa diahuebs esaki lo keda anuncia.

